

# Powšitkowne WOZJEWJENJA

njedźelu, 15. měrca 2015

## „Stabat mater“ zaklinči w Marijinej Hwězdze

W cyrkwi klóštra Marijineje Hwězdy wuhotuje česki chór Hvězda tutu njedźelu, 15. měrca, w 16.30 hodź. koncert duchowneje hudźby. Chór z Českeje Lípy pod nawodom Martiny Bogaroweje zanjese „Stabat mater“ wot Františka Ignáca Tумы. Wšitcy su wutrobnje přeprašeni.

## „Cuzy być – hósć być – doma so čuć“

Rjad lětušich póstnych seminarow, kotrež steji pod heslom „Cuzy być – hósć być – doma so čuć“, zakónči so z filmowym wječorom póndźelu, 16. měrca, w 19.30 hodź w Budyskim Kamjentnym domje.

## Putnikowanje swójbow

Putnikowanje swójbow ze serbskich wosadow do Róžanta budže pjatu póstnu njedźelu, 22. měrca. Božu mšu w hnadownej cyrkwi w 9 hodź. změje farar Gabriš Nawka. Putnikowanje ma heslo „Swójba – žórto dobrych počinkow“.

## Duchowna hudźba w Kulowskej cyrkwi

Serbski ludowy ansambl přeprašuje na duchownu hudźbu sobotu, 21. měrca, w 17 hodź. do Kulowskeje cyrkwe. Mjez druhim zaklinči „Stabat mater“ Giovannija Battisty Pergolesija. Solistce budžetej Elmira Yakhina (sopran) a Mira Szary (alt). Cyłkowny wumělski nawod změje nižozemski hóstny dirigent Gerad Oskamp.

## Přiležnosć k swjatej spowědži w Róžeńce

**sobotu, 21. měrca** farar M. Anders, farar C. Hrjehor,  
17.00 - 18.00 hodź. farar G. Nawka, farar B. Jakubaš

**pjatk, 27. měrca** farar C. Hrjehor, farar M. Delerík,  
18.30 - 19.30 hodź. farar H. Morawietz

## Hra „Wódny muž“ serbsko-česce

Na přeprašenje Chróšćanskeje dźiwadłoweje skupiny předstaji česka lajska dźiwadłowa skupina „Nepřijateni“ njedźelu, 22. měrca, w 16 hodź. na Krawčikec žurli w Chróšćicach inscenaciju „Wódny muž“. Hru je Ingrid Hustetowa spisała. Wona předstaji so trojorěčnje – delnjoserbsce, hornjoserbsce a česce. Wšitcy zajimcy su přeprašeni, sej njewšědnju hru wobhladać.

## Wo požadarjach azyla a čekancach

W zetkanišću Carity w Kamjencu, Dróha jednoty 2, budže štwórtk, 19. měrca, w 17 hodź. lětuše regionalne zetkanje člonow Carity. Tema wječora rěka „Požadarjo azyla a čekancy“. K tomu porěči René Burk, nawoda porjadoweho zarjada w Budyšinje. Nimo člonow Carity su tež dalši zajimcy do Kamjenca wutrobnje přeprašeni.

## **Sobuskutkowanje na zjězdze katolikow 2016 přizjewić**

Serbja móža so na wšelakore wašnje na klětušim 100. zjězdze katolikow Němskeje w Lipsku wobdźělić. Za koordinaciju je po dojednanju ze serbskimi duchownymi Towarstwo Cyrila a Metoda (TCM) přislušne. Wšitcy su přeprošeni, sobu wo tym rozmyslować, na kotre wšelake wašnje móhli Serbja na zjězdze zastupjeni być. Zajimcy abo skupiny njech wobroča so na TCM, telefonowe čisło (0 35 91) 55 02 10. Při tym měli pomyslić, zo zapřija termin zjězda wot 25. do 29. meje 2016 swjedzeń Božeho čěla.

## **„Wo rizikach a pódlanskich wuskutkach na strowotu“**

Na lóštne a satiriske wašnje budže dr. Manfred Lütz z Kölna štwórtk, 26. měrca, w 19.30 hodž. w awli Benoweho gymnazija w Drježdžanach, Pillnitzska dróha 39, k temje „Žiwjenske wjeselo – Wo rizikach a pódlanskich wuskutkach na strowotu“ přednošować. Na tutym wječoru póndže wo powšitkowny kult a wěstu blaznosć hladajo na strowotu, fitnes a rjanosć. Dr. Lütz ma to za hlúpe, napinace, smjercdrohe a žiwjenju njetyjace. Studowany medicinar, filozof a katolski teologa je jako wótromyslny a žortny diskusijny partner, přednošowar a kabaretist jara požadany.

## **Wo požadarjach azyla a čekancach**

W zetkanišću Carity w Kamjencu, Dróha jednoty 2, budže štwórtk, 19. měrca, w 17 hodž. lětuše regionalne zetkanje člonow Carity. Tema wječora rěka „Požadarjo azyla a čekancy“. Přeprošeny je k tomu René Burk, nawoda porjadowego zarjada w Budyšinje. Nimo člonow Carity su tež wšitcy dalši zajimcy do Kamjenca wutrobnje přeprošeni.

## **Křižowy puć młodžiny we Worklecach**

Dekanatna młodžina modli so křižowy puć bołmončku, njedzeli, 29. měrca, we Worklecach. Młodostni zetkaja so w 14 hodž. při pomniku za padnjenych wojakow srjedz wsy. Zakónčenje budže w Don Boskowym domje. Wšitcy młodostni su wutrobnje přeprošeni, křižowy puć sobu kročić. Kóžda wosadna młodžina njech přinjese prošu swoju dekanatnu młodžinsku chorhoj sobu.

## **Póstny wopor młodžiny**

Póstny wopor młodžiny zběra so lětsa za rěčne kursy a trěbny wuwučowanski material za čekancow z krizowych kónčin, kotřiž přebywaja w Budyskim wokrjesu a wokrjesu Sakska Šwica. Nadrobniše informacije su we wuwěšku we wosadach podate. Wobalki za póstny wopor leža w cyrkwjach.

## **Muzejowy kofej přeni raz w Serbskim muzeju**

Prěni Muzejowy kofej budže srjedu, 25. měrca, w 15 hodž. w Budyskim Serbskim muzeju. Do swačiny poskići so krótki přednošk wo póstnych rubach a zakrytych wołtarjach. Zajimcy měli so planowanja dla pod telefonowym čislom (0 35 91) 2 70 87 00 přizjewić.